

Naqqiut

Siunnersuut 14. august 2025-meersumut taarsiut

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Soraarninngornikut pisortat ingerlataannik angalatitsiviit aqqutigalugit akikinnerusumik angalasinnaanerit ukioq naallugu atuutilerpat aammalu soraarnerussutisiaqartunut billetsit ukioq kaajallallugu killeqanngitsumik pisiassaasinnaalerpata, soraarnerussutisiaqartut akikinnerusumik angalasarnerannut malittarisassat allanngortinnissaat siunertaralugu, qanoq naleqassanersoq Naalakkersuisut misissuinissaannik Inatsisartut aalajangiiffigisassatut siunnersuut. Misissuineq kingusinnerpaamik UPA2026-mi inatsisartunut saqqummiunneqassaaq.
(Inatsisartunut ilaasortaq Jens NapātôK, Naleraq)

Tunngavilersuut:

Nunatsinni angalaniarneq akisoorujussuusoq tamaavitta ilisimavarput. Air Greenland aammalu Arctic Umiaq Line nunatta tamakkiisumik pigivaat, taamaattumik Naleqqamiit akuerisinnaangilluinnarparput Naalakkersuisut akinik taamak amiilaarnartigisunik akuersaaginnartut.

Nunatsinni isertitakitsut inuuniarnermikkullu ilungersortut amerlaqaat. Tamanna aamma soraarninngornikunut atuuppoq.

Inuk soraarnerq ilaquuttat ikinngutillu tikeraarlugit - ukiuugaluarpata, aasaagaluarpata nalliuttorsiorfinniugaluarpata ukioq kaajallallugu akikitsumik angalasinnaasariaqarpoq. Inuk qanigisani ilaginerugaangamigit ilorrisimaarnerulertartoq ilisimatuussutsigut naqissuseqattaareernikuuvoq. Taamaattumik inuit soraarnerit soraarnerussutissiaat annikereertigisoq angalasinnaanerit angalatitsiviit pisortanit pigineqartunit Air Greenland¹ kiisalu Arctic Umiaq Line-mi² killilersorneqarluni akisunerusumillu ingerlatsimmata paasiuminaappoq.

¹ <https://kundeservice.airgreenland.gl/hc/kl-dk/articles/4902392368540-Pensionistitut-akikilliliinerit>

² <https://aul.gl/kl/gl-ombord/ilisimassallugit-iluaqutaasut/>



Soraarnerit taamatut ukioqalernikuullutik inuulluataarfissaraluat annikilliornermik atugarliornermillu taarserneqarnikoq angalatitsiviit pisortat pigisaat qaavatigut killilersuinerat akuerineqarsinnaangilaq taamaattumik Naleqqamiit pissusissamisoorsorivarput, sualummik angalaniarneq taamak akisoreertigisoq soraarninngornikunut billetsit ukioq kaajallallugu ikilineqaratillu neqeroorutaasinnaanerat Naalakkersuisut misissuissasut.

Pisortanut aningaasatigut allaffissornikkullu kingunerisassat

Misissuineq AC-fuldmægtigip ukiumut akissarsiassaasa affaanik naleqassaaq, tassa kr. 250.000

Namminersorluni inuussutissarsiuteqarnermut aningaasatigut allaffissornikkullu kingunerisassat

Qanorluunniit namminersortunut aningaasatigut iluaqutaassaaq, billetsimmi akikillisussaammata.

Innuttaasunut aningaasatigut allaffissornikkullu kingunerisassat

Innuttaasunut iluaqutaasussamik sunniuteqassaaq, angalasinnaasummi amerlissussaammata.